

重論文齋筆錄

重論文齋筆錄卷六

蕭山王端履輯

陶安生

定山

幼受業於先君之門讀書沉靜精細尤

邃於經學而韻語非其所長間有所作皆捉刀也晚年意殊剛愎又擇交不慎竟至貽禍蕭牆時君病已革余方觀穫桃源亟買舟歸視而事已決裂故予哭以詩云已絜新樽命臧紇申豐枉具敝車行蓋傷之也嗣子秉淳道光乙未舉於鄉君於是始有讀書種子矣今錄其雜文數篇亦不嫌其繁也 詒經精舍

崇祀許鄭兩先生記嘉慶二年侍郎阮公視學兩浙

雅意古訓舉唐以前經傳子史諸書依韻而編次之  
遴泐士之能經者饌集於西湖孤山之麓越兩歲復  
來撫浙乃闢爲精舍顏曰詒經招諸生肄業其中設  
木主祀漢太尉祭酒許君叔重北海相鄭君康成爲  
先師俾諸生以時習禮其間甚盛舉也聞之記曰凡  
學春官釋奠於其先師秋冬亦如之注謂若禮有高  
堂生書有伏生樂有制氏之類漢時以經爲博士者  
皆自名其師無師說者不得立學官能兼通者聽之  
而不得背其本師漢末失學明章之間儒術始顯經  
生暫建精廬羸糧動有千百者名高義編牒受徒繁

其章條穿求崖穴別體俗書鉤觚析亂遂不免有賄  
更漆書私定竹帛者許君懼文字之滋禍於是撰爲  
說文明形聲指事之本原取訓纂杜故班續訓故諸  
書悉加釐正成一家言而鄭君括囊大典包羅衆家  
研精小學設爲讀如讀爲當爲故書今書諸讀以窮  
假借轉注之用然後訓詁之道大明於天下講詁經  
之學而不師兩先師猶衣食而忘先嗇先蠶師田而  
忘先貉先牧也夫鄭君解經禮堂寫定傳之其人承  
學之士能言之許君正文字以正經使後世不徒習  
秦時徒隸之文而猶見三代周孔之古義是說文之

功實不在周公作爾雅下顧當時既不與博士之班  
後代復不聞從祀之請今侍郎表而彰之且先許於  
鄭俾知或原或委之故以爲當世習古訓者告其所  
期於浙人士者甚大浙人士當如何濯摩以無負兩  
先師也 大衍之數五十其用四十有九論天數奇  
地數偶合天地之數五十有五所以成變化而行鬼  
神而大衍之數獨云五十其義安在或曰河圖洛書  
之中數皆五衍之而各極其數以至於十則合爲五  
十豈知一三五七九爲天數二四六八十爲地數皆  
天地自然之數謂後世圖書之學有合於大衍之數

則可謂大衍之數出於河圖之中數則不可也或曰  
天地之數五十五虛其中金木水火土五數而爲五  
十則尤謬解夫衍者演也合天地之數演而用之故  
曰大衍周語曰夫水土演而民用也韋昭注云水土  
氣通爲演演則生物民得用之是演數所以前民用  
而天地之用莫大於五行豈有舍五行而置空虛無  
用之區哉太元云一六爲水二七爲火三八爲木四  
九爲金五五爲土天地之數五十有五而五在地十  
之中故大衍之數五十五爲虛也五五爲十故伏羲  
演易數止五十虛者道之舍也天地之道不虛則不

變然亦藏五於地十之中而非舍五行以爲虛也何  
以其用則四十有九焉三統厯曰太極元氣函三爲  
一太極也馬融曰易有太極北辰是也太極生兩  
儀兩儀生日月日月生四時四時生五行五行生十  
二月十二月生二十四氣北辰居中不動其餘四十  
九轉運而用也王弼所謂其一不用而用以之通者  
是也由諸儒之言觀之聖言簡奧約文申義易理精  
微參伍錯綜誠無不該竊謂大衍五十者卦數也其  
用四十有九者著數也何則艮爲少陽其數三坎爲  
中陽其數五震爲長陽其數七乾爲老陽其數九兌

爲少陰其數二離爲中陰其數十巽爲長陰其數八  
坤爲老陰其數六是入卦之數總五十也卦法長陰  
八八之數故六十有四著法長陽七七之數故四十  
有九先儒所謂五十之數不可以爲七八九六故卜  
筮之占必減其一而爲用焉况循環解之由減一之  
數以合五虛數則六爻之位亦備於其中是在神明  
乎數者能通之矣 重修會稽大禹陵廟碑會稽禹  
廟舊在秦望山南夏后啟使使以歲時春秋祭禹於  
越立宗廟於南山之上越絕書曰禹廟在小城南門  
外大城內至漢謂之故宗廟明紹興府志云禹廟在



塗山南麓宋元以來咸祀於此今始卽會稽山陵廟  
致祭茲廟遂廢攷吳越春秋言少康封其庶子無余  
於越春秋祠禹墓於會稽是墓故有廟如漢原廟之  
制有司掌之不親奉也越滅於楚子孫散處海上不  
敢復立宗祧百姓思慕輒就壟冢禱祀瞻戀後世順  
民之情增飾陵廟斷其私祭所以壹民志而崇明德  
也謹案禹貢記禹所導山水原隰無一言及於會稽  
然山海經載夕水漸江餘暨諸地名皆禹跡所掩而  
後儒說三江者以松江浙江浦陽江當之是浙河以  
東未嘗不勤排淪矣間嘗博稽經訓旁徵圖緯咸以

禹按黃帝中經登宛委山發石得金簡玉字書以知  
水泉之脈其後九隠旣宅四海會同南巡守會羣神  
苗山大會計受功誅汪芒氏之後至者治水之功惟  
會稽實終始之舟車楮跡之跡胼胝黥跣之容過化  
存神彷彿想像鑄貌虔事亦固其所何況緘葛藏裘  
爰宅體魄凡有血氣莫不尊親尤服教懷德於勿替  
者哉洪惟 國家加意東南宣河防海平地成天邁  
績如夏 聖聖繼承先後合節展義宣風肅將祀事  
培護修葺必慎必時宮廟闕恤光於前代 聖天子  
孝思維則嚴事配天大禮隆文辯告羣祀絜牲嘉幣

駿奔在廟宜益礮斲榱桷塗髹丹雘構雲煥日俾堅  
且麗以稱 朝廷尊嚴祀之義以慰百姓報功崇  
德之思爰自嘉慶某年某月鳩功載朔越某月日克  
觀厥成乃紀貞珉繫之頌曰於皇惟 清紹天建極

聖祖受之欽明允塞精一傳心平成奠職聲教所  
漸媿禹之則陟跡時巡至於南國惟 聖知聖仰惟  
前式降土隩宅奏民粒食萬世之賴稽山劣削精意  
曰禋虔以脄黑亦越 高宗是繩是翼豈惟古帝永  
懷明德風陵橋阜嶷虞穀唐孰云不欽庶官是享越  
國之陽古殿深蒼碑以 綸綍櫺以 宸章巍巍王

功肅肅陵岡如何雷雨失此神梁敢不馳驟民焦士  
蹌時月之令蒼水告符文梓自出飛石自趨法以身  
度準彼室衢采椽已斲茅茨旣塗龍夾浮柱鼉駕隅  
扶日月飾珪鉤鈐爲樞垣拱紫極穴導蒼梧烟霞變  
幻爛於有無胼胝無罷宮室不卑毋謂雕峻歆獻以  
時欽惟 聖敬于以奠之勛爾羣神是護是持勸以  
勿壞珉勒于斯 唐孔穎達五經義疏得失論唐貞  
觀十六年以經學多門章句繁雜詔孔穎達與諸儒  
撰五經疏謂之正義由是易書詩禮春秋之學皆宗  
於一竊惟訓詁師承波沿兩漢章句箋釋橫決六朝

一旦取長棄短務定一尊酌雅稟經型垂萬世其融貫羣言誠足消門戶黨同之習而支離曲護亦不免阿私所好之弊昔朱子嘗論之矣曰五疏之中詩禮爲上春秋次之書易爲下試參稽而博考之猶可知其得失所在者易自輔嗣宗尚元風盡棄象數注之者旣無古義之可尋疏之者難免詮釋之未富然亦間有推明鄭義者訟九二人三百戶則引下大夫一成之地之說復彖七日來復則引六日七分之說且有專闢鄭義而并不細案王注者乾卦大人本指九五惟九二雖非君位而有君德此真弼據文言以解

經故云利見大人惟二五焉疏乃謂訟蹇之大人俱  
不指九五則失易之卦位矣蠱先甲後甲馬融云甲  
在東方艮在東北故曰先甲巽在西南故曰後甲此  
納甲之義弼所不取至先三日爲辛義取更新後三  
日爲丁義取丁甯正合弼注因事申令之意而疏斥  
爲無端妄作則不解矣其間引莊氏張氏褚氏諸家  
之說皆義涉淺近渺所根據較諸他經誠爲劣矣書  
則專宗孔傳先儒謂因梁費彪疏而廣之非也據孔  
原序稱隋初爲正義者蔡大寶巢旂費彪顧彪劉焯  
劉焯而焯炫最爲詳雅則書疏本二劉爲多第欽明

文思旁引顧氏關石和鈞兼引費氏如作服十二章  
州十有二師則述鄭注以補傳所未備且亦有直斷  
孔傳之失者立政三毫非文王時官呂刑九黎非蚩  
尤未嘗曲爲回護也惟是孔傳之僞至宋以後始確  
有證據而冲遠往往曲爲附會斯固不待馬嘉運撫  
其疵王元感糾其謬矣左傳則本杜預其先爲正義  
者有沈文阿蘇寬劉炫三家沈長於義例故元妃孟  
子及華督賜族二條引之蘇多棄本文而考仲子之  
宮仍叔之子二條亦引之桓七年穀伯鄧侯全述衛  
冀隆秦道靜之說桓九年享以上賓並著膏盲鄭箴

之義其他考證之言多憑賈服旁採之說亦取劉規  
數典之誤桓二年戰於千畝有晉世家穆十年伐千  
畝有功可證而疏引王戰姜戎之事則以周事爲晉  
事矣舛錯之誤襄十三年九族自高祖至元孫杜注  
自明而桓六年則謂九族兼外親直自相矛盾矣先  
儒謂左多古言亡於杜注然自有此疏而杜注以明  
則孔又杜之功臣也至若詩疏注有毛傳鄭箋旣貫  
通於爾雅疏有士元光伯復囊括夫羣言間有可指  
摘者度其鮮原本屬商周之邑有周書程寤解可證  
而孔誤以爲程邑古詁訓道篇首訓詁傳下疏自不



易而烝民則以爲古道先王之政事要其考證之博  
援引之詳終唐之世無敢異議洵足多已禮自穎達  
以前傳習最衆南人有賀循賀瑒庾蔚之崔靈恩沈  
重皇侃等北人有徐遵明李業興李寶鼎侯聰熊安  
生等孔則以皇爲本而以熊補所未備夫禮學固沖  
遠之所長而又兼採南北著錄凡古左氏說公羊說  
周禮說五經異義及鄭氏張逸趙商答問一一旁證  
而疏通之注固簡奧精微疏亦詳贍博雅後儒徒執  
讖緯以譏要亦宋以後之論不可以議唐以上之儒  
矣蓋疏之爲體不使稍有出入其識亦似太拘康成

之箋詩也宗毛而時異毛其注周禮也本杜而時背  
杜况唐之初易有孟京荀鄭書有馬鄭春秋有賈服  
漢經師授受之微言猶有存者倘參互考證兼收並  
蓄則鑄銅於山煮鹽於海網羅古今包容萬有不更  
爲經術之淵海也哉 司馬溫公書家人卦考摩崖  
家人卦及樂記禮樂不可斯須去身至舉而措之凡  
百九十二言中庸道不遠人至無入而不自得焉凡  
百九十七言在南屏山旁刊右司馬溫公書六字朱  
竹垞言家藏宋鑑有高宗紹興六年諭大臣以司馬  
光所書中庸家人卦隸字真似漢人事疑當時承旨

所刊然所據宋鑑藏書家不著於錄未敢徵信或云  
光父池嘗判杭後亦封溫公嘗書此以教民亦屬肥  
說今案家人卦貞字敬字皆不避諱疑非溫公所書  
武林舊事謂是唐人摩崖八分書後人於石旁刊公  
名者較爲近之若李日華六研齋筆記稱其篆書道  
勁則未見其書而妄識之爾相國師督學吾浙時先以是題試杭郡士子今  
錄存陳文杰一首云閒招吟侶游南屏南屏山色芙蓉青松間一徑入寒翠流泉盈耳聲洽洽隸書古勁  
透山骨蘚痕半蝕土花碧云是溫公舊日書未識何時勒崖石我聞元祐涖治年黨人傾軋相鉤連碑上有名不肯刻當時惟有安民賢一聲白雁催南渡建  
國湖山最佳處德壽宮中紹聖梅半閒堂上平章樹自從宮殿付蒿萊金紛銷殘變劫灰鳳凰山下莓苔滿無復當年御轡來公書三經破崖翠森然獨有山

靈庭萬古崢嶸翰墨  
香要緣古義留天地

安生既歿余往哭奠其靈有友人從旁語余曰安生  
臨終如何痛哭流涕伊如何委曲調停刺刺不休息  
殊可厭余應之曰君正可謂臣之業在揚水之卒章  
矣其人語塞而罷

有某友無子先立其期服兄弟之子爲子後又並立  
大功兄弟之子爲子而大功兄弟之子年長於期服  
兄弟之子於是爭爲宗子期服兄弟之子曰我親也  
大功兄弟之子曰我長也議久不決以問於予予曰  
定例不云乎先儘同父周親次及大功小功總麻敬

繹先次二字之義則不得以疎間親也明矣此亦如庶子年長於嫡子不得越嫡子而代主其祀也且律有比照之條今例無明文卽可以比照之法定之矣後二人析產又爭長孫田畝

吾鄉俗例長孫向別給財產然所得甚微如二人各得田一百畝長孫不過給田一二畝耳

又決於予予曰爾等亦知長

孫給產之義乎蓋嫡子不幸先父母而亡其嫡孫例

當承重故於析產之時先寓親親之意此其旨甚微

有爲父母所不忍言者今繼已定矣試思將來脫有

不幸之事果誰之子爲承重孫乎其爭乃息

予議長孫財產

當令長孫之子孫世守其業不得分晰亦不得售賣若子孫有力許其陸續增置日後各房愈晰愈微或

典賣罄盡而長房嫡孫之後尚得以其田產之所入  
祀其先人良法美意莫過於此今吾邑惟長河來氏  
行之他族則不能也

論語鄙夫可與事君也與哉孔注言不可與事君是  
讀與爲相與之與王伯申尚書曰下文患得患失皆  
言鄙夫所以不可事君之故非謂鄙夫不可與事君  
也後漢書李法傳法上疏諫坐失旨免爲庶人還鄉  
里人問其不合上意之由法未嘗應對固問之法曰  
鄙夫可與事君乎哉苟患失之無所不至法之言如  
此是不說人以無罪而以鄙夫自貶且自謂其不可  
以事君也然則法之意亦謂鄙夫不可以事君非謂

不可與鄙夫事君明矣顏師古匡繆正俗曰孔子曰鄙夫可以事君也與哉李善注文選東京賦曰論語鄙夫不可以事君變文言以正與經旨相合鄙夫不可與事君猶言鄙夫不可以事君也與猶以也

徐北溟

鯤○後阮相國師易其字曰白民

邑東南楊樹莊人補縣學

生家酷貧無以自給乃赴杭州販書度日暇輒繙閱因通聲音訓詁之學嘗自言初入省城惘惘無所適偶閱市肆得山海經一冊自以爲枕中秘未嘗示人適盧抱經學士文昭欲覓鈔胥有以其名薦者乃隨衆往謁時賓朋滿座學士上下其議論皆聞所未聞

而無一言及山海經意謂此必其未見之書矣乘其  
問及乃起對曰某家無藏書惟有山海經耳學士曰  
汝所有者何時刻本復不能對學士曰山海經有某  
本某本因出其所藏凡十餘冊曰汝先爲我一校亦  
足驗汝之學力也乃攜歸悉心讐校閱半月而卒業  
竟得其違異者數字以復學士學士見之極喜乃歎  
曰吾固知書亦當令不通人校之也

阮相國師督學吾浙設館西湖招集諸生修經籍纂

詁北溟亦與焉越明年竣事乃延武進臧在東

鏞堂○後

改名

爲總纂以北溟副之時相國將任滿還京督促



成書甚急北溟見相國欲爲將伯之呼相國問誰可  
當其任者北溟以端履等數人對相國曰是數人吾  
今科皆望其中式當令潛心誦讀豈可以編纂之事  
擾其心思北溟對曰然則某亦須赴試耳相國笑曰  
子之制藝卽令連下百場萬無獲售之理不如爲我  
纂書尚可月得數金贍養妻子也此事亦北溟親爲  
予言之

北溟詩文無人收輯零落殆盡今僅錄存數篇亦管  
中窺豹之一斑也 六朝經術流派論昔范蔚宗有  
言王父豫章君每考先儒經訓而長於鄭常以爲仲

尼之門不能過也又傳授生徒並專以鄭氏家法豫章君卽注穀梁傳者其尊鄭學也如此隋史云漢世鄭氏並爲衆經注解服虔何休各有所說鄭易詩書禮論語孝經虔左氏春秋何公羊傳大行於河北然則河北之重漢儒亦猶夫范甯也溯晉自渡江以後洎宋元嘉年間有丹陽尹何尚之者始創南學之目迄梁武天監時此風最盛北方之學自魏氏太和以後劉芳李彪諸人以經書進而儒術大興至末有大儒徐遵明者遂開後齊周隋經學之派其門下諸生咸能自樹幟幟故史稱魏氏雅誥奧義宋及齊梁所

不能尚豈虛語哉夫儒業之興廢係乎國運之盛衰  
經術之淺深存乎學識之高下故梁臺建而沈峻榮  
侯景亂而文阿縊拓拔興而梁越顯隋室壞而劉炫  
餒此其尤大彰明較著者也若夫卓爾大雅俊悟不  
倫知古本之可珍識先師之宜奉其爲學也非一家  
其爲教也非一藝貫古今而越等夷者竊惟於徐遵  
明見之奚以明其然也蓋易體微遠理貫羣籍鄭主  
爻辰實稱該備自正始風行元風不振一變而爲王  
肅再變而爲輔嗣學者爭趨時好聞者莫不風靡於  
是華陰俊士喟然有感屏除元學獨守康成時則有

盧景裕崔瑾之徒親承意旨權會郭茂之倫世守宗  
風三古四聖遺教獨宣鄭易之得行遵明之功也孔  
壁古文久藏中祕漢儒所見祇據伏生自梅賾獻而  
僞書出姚方興奏而舜典分始則與鄭同行繼則惟  
孔是習幸而河北諸儒不關聞見二十九篇之說孤  
行費彪義疏之來亦晚故李周仁張文敬與李鉉權  
會獨守王聰所傳具識康成所注師友淵源遺編宛  
在尚書之不亡又遵明之功也三禮之學小戴固多  
祖習周儀或未兼通而徐生之業一傳而爲李鉉再  
傳而爲熊安生李則稱爲高弟熊則號爲祖師兼得

房虬之授並有義疏之撰豈若沈峻特精周官遂荷  
陸倕之薦戚袞就質儀禮獨得懷方之祕而已哉三  
禮之通講又遵明之功也至若春秋一書左氏爲備  
漢儒注解服氏爲精而徐生所得又係永嘉舊寫讀  
經數載手撰義章執疏敷講浸以成俗其視河外儒  
生止知服膺杜氏不窺服注精微相去奚啻倍蓰崔  
靈恩著左氏條義以明之是也而虞僧誕小儒乃譌  
譌作申杜難服以答靈恩適形其謫陋而已於服氏  
奚損焉服氏左傳之盛行又遵明之功也按北史云  
江左周易則王輔嗣尚書則孔安國左傳則杜元凱

河洛左傳則服子慎尚書周易則鄭康成詩則並主於毛公禮則同遵於鄭氏又云公羊穀梁儒者多不措懷論語孝經學徒莫不通講然則他不具論卽如易書禮傳遵明一人視南學諸儒所得爲孰優而議者乃云南人簡約得其英華北學深蕪窮其枝葉豈通論哉夫經以師訓爲主學以師授爲貴江左諸儒習正始之音祖元虛之學以至好老易善玄言者比比皆是宜其蔑視康成妄訾服氏忘已量之所稱指前人之瑕疵此其所以遜於北學也 釋睽易睽卦釋文引說文云目不相聽也校此書者輒改聽字爲

視字通志堂本已如此惟董真卿周易會通載呂祖謙音訓所引釋文尚作聽字與今本說文合案玉篇耳部廣韻十二齊睽字注並引說文云耳不相聽又廣韻睽字注引說文云目少睛一切經音義一引廣蒼亦云睽目少睛也乃今本說文耳部脫去睽字而以其注併於目部復脫去睽字目少睛本訓致斯譌舛然則陸氏所引說文當作耳不相聽也睽卦之睽宜從耳也 礮考說文無礮字或作砲說文亦無惟檐字解云檐建大木置石其上發以機以礮敵也春秋傳曰檐動而鼓詩曰其檐如林按左氏桓五年傳

杜預注云旛旃也正義曰賈逵以旛爲發石一曰飛石引范蠡兵法作飛石之事以證之說文與賈同也是以礮爲旛也毛詩旛作會鄭箋以爲會聚之義考馬融廣成頌云旛旛參其如林正用詩語蓋別本固有作旛者第馬爲旛旛與杜注左傳同而與賈許義異如許氏所說是礮石之制在商周時已有之矣至范蠡兵法據張晏注漢書甘延壽傳引云飛石重十二觔爲機發行二百步李善文選注亦引之十二觔作二十觔二百步作三百步此礮石之顯證也特自漢以前未見所謂礮字耳然則礮字何昉乎文選閒



居賦云礮石雷駭激矢蜚飛蓋昉於西晉時也字又作拋李善注云礮石今之拋石也又後漢書袁紹傳紹爲高櫓起土山射營中皆蒙楯而行操乃發石車擊紹樓皆破軍中呼曰霹靂車章懷注云卽今之拋車也又御覽三百三十六引崔鴻前涼錄曰麻狄進攻枹罕爲塹數重雲梯拋車地突百道皆通城內亦起雲梯拋車穿地以應之狄衆傷數萬或作礮字宋書殷炎傳劉劭作大蝦蟆車載土牛皮蒙之三百人推以塞塹虞挹之造礮車擊之以石車悉破壞御覽引沈約宋書礮作拋是礮卽礮字也或又作炮宋太

祖將平江南簡稽軍實置南北作坊及弓弩院所造有炮其字借炮潘之炮皆當音匹孝切蓋古之爲礮也以機發石而載之以車通典載衛公兵法守城篇曰積石備拋石大小隨事又攻城戰具篇曰大木爲牀下安四獨輪牀上建雙陞閒橫括中立獨竿首如桔槔狀其竿高下長短大小以城爲準竿首以窠盛石大小多少隨力所制人挽其端投之其推轉逐便而用之亦可埋腳著地而用其旋風四腳亦隨事而用之謂之拋車其制如此自漢唐迄宋皆用此法若今之所謂礮者與古大異其制用銅或鐵如筒狀中

實以藥而以石子塞其口旁通一線用火發之蓋起於南宋金元之際自宋虞允文采石之戰用霹靂砲敗敵而火礮之製已肇其端然霹靂砲以紙爲之未知用鐵也自金人守汴城中有火砲名震天雷者用鐵罐盛藥以火點之砲起火發其聲如雷此火礮用鐵之始然猶未工也至元世祖時得回回亦思馬因所獻新礮法攻破襄陽世謂之襄陽礮此則火礮之用精矣然造法不傳明成祖平交趾得神機鎗礮法特置神機營習之亦未嘗傳習於外至嘉靖八年造佛郎機礮謂之大將軍發諸邊鎮而外間始知製造

之法萬歷時大西洋船至復得巨礮曰紅夷天啟中  
錫以大將軍號遣官祀之有明一代之礮大概具矣  
我朝軍法嚴明軍器精備而火礮之用有迥非前  
代所及者伏讀 皇朝禮器圖式自 大清崇德八  
年造神威大將軍礮後至康熙十五年三月造神威  
無敵大將軍礮二十年造神威將軍礮又造金龍礮  
金龍礮者鑄銅爲之前身後豐底如覆笠重自二百  
八十觔至三百七十觔長自五尺八寸至六尺受藥  
自六兩五錢至八兩鐵子自十三兩至十六兩此軍  
營第一利器也二十八年造武成永固大將軍礮神

功將軍礮制勝將軍礮威遠將軍礮皆 聖祖仁皇  
帝御製此外又有得勝礮九節十成礮衝天礮鐵心  
銅礮子母礮嚴威礮紅衣礮龍礮奇礮行營信礮渾  
銅礮臺灣礮回礮等名仰見 天威震疊有征無戰  
招搖所指四散披靡良由武備修而軍政善故能奮  
士氣而肅戎行也又按明史兵志佛郎機礮式以銅  
爲之長五六尺大者重千餘觔小者百五十觔巨腹  
長頸腹有修孔以子銃五枚貯藥置腹中發及百餘  
丈最利水戰駕以蜈蚣船所擊輒靡碎今海洋中不  
聞此器豈造法不傳耶近日有西瓜礮之器頗似此

式但形體輕小可以用索掣引聞海盜最畏此礮是亦爲水師者所亟宜演習也

予最喜作游仙詩已屢錄於前矣偶檢敝簾又得六首並錄存之樓臺含霧樹籠煙貪看桃花只向前四五謫仙迎客出不知誰是李青蓮神仙留我宿山家綠樹陰濃似幕遮夜靜簾櫳風露濕一池明月浸荷花荷花深處隔銀塘最愛凭欄十里香無數水禽棲宿穩就中多半是鴛鴦楓林斜日乍停車不看朝霞看落霞天意似憐人寂寞隔溪添得數聲鴉亂山風雪太紛挐驢背吟詩石徑斜每笑神仙無笠屐衝寒

從不看梅花夢境迷離記不真偶然冬夏偶然春醒  
來枕上初回首猶認桃源欲問津

大學無他技至寔能容之九句無他技是形容斷斷  
如有容是形容休休人之有技二句是證無他技有  
字與無字相對人之彥聖至寔能容之是證如有容  
寔字與如字相對今講家以不啻口出截住以寔能  
容句合下保我子孫黎民作兩項總束非也

辛丑秋八月嘆咭喇逆夷

英咭喇本名荷蘭後析其國爲三日英咭喇曰瑞日

璉其人深目長鼻髮眉髭鬚皆赤足長尺二寸願偉非常然不善戰所持惟巨舟大礮故往往多挫衄其船有商船有戈船底皆二重商船樓櫓數十重環以飛廬內含大銃百梯以藤結而上窗牖以玻璃嵌之

輪以辟支綴鋪之舶履凡數重組而下有甜水井菜  
畦懸金而炊張綿綳白璫而臥名曰栗牀食皆以蘇  
合油煎烙曼頭牛膾皆度色如金黃乃食酒以葡萄  
以香椿時鼓弄銅琴拍手彈肩對舞以娛客帆以布  
凡七張之其柁後置照海鏡大徑數尺刀可屈伸類  
古之魚腸劍戈船有五桅九桅首尾皆有柁柁工分  
班駛風惟視羅經所向登桅視千里鏡見遠舟如豆  
大則不可及若大如揖指許卽續長其桅而追之桅  
有雌雄二竅箍而楔之益左右帆數百里之遙逾時  
可及所產有金銀琥珀瑪瑙琉璃天鵞絨瓊服哆哆  
連其自鳴鐘烏鎗馬銃雙利劍單利劍照星月水鏡  
江河照水鏡制作精巧甲於西洋嘗貢馬銃中藏小  
馬銃二十事又常貢刀劍八枚其柔繞指駿馬四日  
可千里白小牛四長二尺高一尺七寸項有肉峯見  
澳門肆擾定海總兵葛雲飛鄭國鴻王錫朋等咸殉  
紀畧

難 欽差大臣裕謙據實 奏聞蒙 恩照例議卹

葛雲飛吾郡山陰人 蕭山邑最斜東不逾二十里與  
山陰爲界山陰之界自東迤南



蕭山之界亦自北迤南至諸暨江爲界江內之地以  
麻谿分洩之江爲界江西爲蕭山地江東爲山陰地  
然往往往混淆以西江塘據山陰蕭山之間也道光甲  
申邑有修築西江塘之役端履隨湯敦甫侍郎前往  
查閱以天樂鄉塘歸之山陰以世居天樂鄉與余家  
西江塘歸之蕭山其議始決  
有連記前來謁余時佩刀入見余再四遜謝方解刀  
就坐與之談恂恂風雅余早識其必爲儒將不意竟  
効命疆場舍生取義廟食海埂澤流後裔可哀也實  
可榮也故於其喪之歸也以一聯哭輓之云視死竟  
如歸遇大節不可奪志臨難母苟免惟殺身乃得成  
仁聞葛殉難時手刃數十人身被重創不能運刀乃  
躍入水中而死越日出其屍兩目炯然鬚眉直豎  
尚凜凜然又爲其母舅代譔一聯云上將隕星辰軍  
有生氣

中竟失何無忌大名垂宇宙海上羣思郭子儀道光

二十年六月奉上諭劉韻珂奏查明陣亡各總兵後

齋一摺原任浙江定海鎮總兵葛雲飛之長子葛以

蘭著賞給文舉人次子葛以敦著賞給武舉人均准

其一體會試欽此國家倦念忠貞賞延後嗣毅魄

有知亦當結草以圖報稱也

余甲戌入都得董文恭公誥瓊島蒼虬立幅以泥金

繪於磁青箋上工緻絕倫陸文恭公見之歎為得未

曾有瞿羨門前輩昂因欲強攜以去文恭公為之調

停以別幅贈之乃止今畫幅尚存而陸瞿二公已久

返道山矣因題一絕以志感云燕市回頭三十年仙

山樓閣尚依然風流前輩今何在空結延陵掛劍緣

後陸官至工部尚書瞿  
官至河南陳州府知府

又董文恭公墨竹立幅亦同時得之燕市草草數竿  
圓勁秀潤懸之座間翠露欲滴真名筆也

菽園雜記載還元水者臘月以空罈不拘大小細布  
緘其口引之以索浸大糞厠中日久糞水滲入罈內  
取出埋土中二三年化爲清水畧無穢氣凡癰疽毒  
瘡初發時取一盃飲之其毒卽散俗名金汁是也端  
履案以大毛竹長二三尺一節者不去膈浸之尤良  
然虛寒者不可服

公羊莊二十七年傳通季子之私行也何通乎季子

之私行辟內難也案王伯申尚書引之云公羊僖三

十一年傳通可以已也謂通之爲言猶道也道言也

通可以已言可以已也端履竊意此傳二通字亦當

訓言通季子之私行猶云言季子之私行也何通乎

季子之私行猶云何言乎季子之私行也漢書夏侯

勝傳上謂勝曰先生通正言無懲前事顏師古注通

謂陳道之也是通與道同義道通一聲之轉道言之

道轉爲通猶通達之通轉爲道矣穀梁僖二年城楚

邱傳雖通其仁以義而不與也通亦當訓言猶云雖

言其仁以義則不與也主尚書釋詞云而猶則也引莊二十三年傳君親無將將

而誅焉爲證而不及此  
傳豈舉彼以例此耶

論語周監於二代朱注監視也言其視二代之禮而  
損益之似與子張問十世章無甚分別且禮字又屬  
添出彼章指禮言此章不專指禮言也竊謂殷鑒不  
遠宜鑒於殷我不可不監於有夏亦不可不監于有  
殷並通鑒監古皆指鑒其失言緣夏尚忠殷尚質周監其  
失故特尚文表記言夏民之敝蠢而愚喬而野朴而  
不文殷民之敝蕩而不靜勝而無恥是  
也郁郁乎三字是跟監字來不從文盛推出未知鄙  
說然否

嘉慶壬申二月予有事姑蘇泊舟吳興城外時春事

將半風日柔嘉篷窗清暇戲作權歌四絕汪蘇潭見  
之以爲頗肖湖州風景也夜靜琳宮隱佛燈寺門清  
閤寂無僧人言此是莊嚴地不布黃金不許登芳艸  
如煙綠一塍鄰鄰新水渙春冰阿儂生小菱湖住繡  
出弓鞋也似菱何山相對道場山人在虛無縹緲間  
萬樹桃花紅似錦只容遙望不容攀偶愛桃花第幾  
株較量顏色似羅敷舟人相戒無多說明日風帆下  
太湖

同邑何葭汀孝廉

其葵

與先君子爲總角交刻有小

春浮遺稿然蒐輯尚未盡也歿後先君子爲作別傳

曰君諱其莢字師韓號葭汀系出蕭山芹沂何氏父  
國子監生諱植早歿後以君引例請 贈儒林郎母  
李以節孝 旌後 封太安人君生而奇慧七歲嫻  
聲偶有以四明不讓天台秀句索對者君應聲曰五  
嶽先推泰岱尊聞者異之九歲能屬文十二歲應童  
子試學使者疑其年令坐堂廡間伏案操筆縷縷千  
言予時長君四歲與聯席窺其文媿不如也十七歲  
府試冠其曹其年補縣學生員明年鄉試幾雋又明  
年歲試高等餼於庠二十一歲舉乾隆己亥浙江鄉  
試端履案先生中式第七名是科吾邑獲雋祇二人  
其第十一名徐古樸觀察題係升車必正立執綬

一撮土之多及其廣大亟其乘屋詩題經訓乃聲譽  
菑畲迄今六十餘年新進無知之者爲備記之  
隆起雅自負不爲詭遇六試禮部不中第端履案乾隆已酉庚戌先生不與計偕嘉慶丙辰以後遂絕意進取故止六試捐輸例啟踴躍思自効  
卒不果若有尼之者就職直隸州州同非其志也未  
幾卒年四十六君通敏善慮事批郤導窾洞中機要  
能見易於難馭簡於繁整暇於擾邑有大事倚君以  
辦君好交游重然諾達官居子薦紳編戶販夫輿隸  
造廬請謁咸接以禮坐客常數十人有所咨訪從容  
肆應耳聽目視口講手書心畫分端互用人人各厭  
其意而君之精力亦少憊矣乾隆辛丑壬寅之間邑



人士以意氣相期許來先生起峻為之職志來先生

字魯登號江臯乾隆已卯科舉人王顧先生青選案

辰科進士官戶部湖廣司額外主事顧先生端履案

貢生試用訓導蔡君英又號養堂乾隆庚子科優貢

生知縣由仁和籍成道光已丑科進士官山東蒙陰

縣知縣。先君稱君而端履仍稱先生者以諸公皆

與先君至交以父蔡仲君號鳳洲與先君同舉於鄉

執之禮事之也陶君廷琬。端履案陶字韞川號

乙未成進士官山陶君南園世居蕭山而籍仍係會

西萬泉縣知縣進士累官貴州清平江西鉛山知縣

稽乾隆辛丑科進士現官翰林院編修福建學

政鄭君應蘭。端履案先生與先君乾隆甲午庚子

會澤縣知兩科鄉會試同年後官雲南祿豐縣知縣調

縣卒於官徐君國楠。端履案先生字讓木號古樸

閣中書游擢暨予時時會於君所居之小春浮汪君

山東運河道

人乙未科進士官湖南甯遠縣知縣調善化縣知縣  
 子光誥原名繼坊乾隆丙午科舉人官嘉善縣學訓  
 導繼鼎官福建長泰縣典史繼培嘉慶甲子科舉人  
 乙丑科進士官吏湯君元苞○端履案先生字蒸詒  
 部文選司主事號稻邨乾隆丁酉科拔貢官  
 金華府學訓導擢廣東徐聞縣知縣亦間至焉故事  
 欽州知州江蘇海州直隸州知州  
 凡鄉試獲雋者先進必先往賀喜然後後進報謁蓋  
 恐其草莽不諳規矩所以示之以禮也又公車將發  
 先進會約同人合新舊舉子置酒祖道謂之公餞皆  
 自來江皋汪龍莊二先生啟之自徐古樸觀察歿後  
 數十年來此風更闕燭炮徵文談獻辭辨鋒起縱言  
 已渺不可追矣  
 所志間雜諧隱君尤蹈厲激發視天下事無不可爲  
 而與予交尤密日用瑣悉家庭委曲傾肝腑相指示  
 天雨雪兩人皆喜著風帽釘鞵以自表異予有詩曰

生平一知已動卽到君家風色兜羅帽冰聲吉莫輟  
蓋紀實也無何來先生死顧先生死於鎮海徐君會  
試入京師蔡仲鄭陶諸君相繼謁選人去君中棄其  
宅意悒悒鮮歡久之汪君自湖南宦歸徙居城南復  
招君及予相過從予已老大短氣君習世事久意象  
深邃非復曩時精悍之色而才識益明練邑西江塘  
圯撫部侍郎覺羅長公齡○公乾隆乙未科進士官  
江蘇最有聲後擢兩廣總督  
入爲大學奏請改建石堤百二十丈爲錢二千四百  
士諡文敏是時銀價昂錢價低故龍莊先生定議以錢  
爲率然以錢繳捐款諸多不便物議蜂起  
君總其成賦功計直鳩材度地皆聽君議定上

報可以授視役者成不愆累費不虛糜當是時山陰  
會稽皆有局以治事大府獨才蕭山君以謀汪君以  
斷相濟而成也汪君直諒好面折人過君婉曲導引  
使人說以解予交汪君晚君更後於予數論事予是  
汪君君始持異議久而無間予與君性情嗜好不同  
而志誼孚浹彌縫補救若心之於體不言而喻其意  
汪君老病予失所因仗君死而予之質亡矣君病甚  
執予手泣曰吾言有盡而意不可窮先生既歿先君  
子輓之以聯云  
一個弱焉我輩存而此人死九原往矣言有盡而意無窮蓋即用先生臨歿之言哭之也若何言  
畢而氣絕嗚呼孰知予意之不可窮有甚於君者哉

君生三歲而孤十四喪其祖逾年哭其伯兄二十而喪祖母又哭其仲兄嫂初娶於陸再娶於沈皆有子而失之三娶於任無子屢買妾皆不育一女甚愛之及笄而天君哭之慟顧景循髮不能自己宿有胃逆疾至是而劇李太安人春秋高不忍傷其意力疾強飯以謀養故薄游江南歲二月往七月歸侍以爲常李太安人之歿也君以事淹江南未及歸而赴至君哀毀幾滅性逾年而身殉之綜君生平憂悴之日多歡娛之日少崔駟以不樂損年吳質以長愁善病宜其不中壽而徂隕也君少席豐厚行跌宕不齷齪廉

謹有游閒公子之賜與名晚歲折節恭儉治生計逐  
什一之利稍復故田宅而年齡促之悲矣君無子子  
兄之子培德俾仍爲大宗後而兼後君焉君博聞強  
識文筆鴻麗身所閱歷聚散盛衰悲愉欣戚一寄於  
詩氣體俊逸類其爲人嘗笑語予足下作詩必此詩  
生天當後靈運予亦笑曰我自用法耳尤工於賦  
體物言情爾雅以則每一篇出讀者未嘗不稱善也  
昔人論作賦之法勤讀書而多爲之君賦不恒作亦  
不喜伸佔畢求者敦促翻韻摘紙尾疾書與之俚言  
常語經其裁制自然工妙殆有別材非關學也君死

遺稿多散失其存者培德錄而刻之蓋所傳者止於此矣

陶君安生最喜葭汀先生遺妾詩云三年勞汝抱衾裯準擬相依到白頭月缺縱教星漸替樓空那得燕仍留從前恩怨都休問此後榮枯好自謀去去不須嗟薄命人生聚散本浮漚謂其辭意酸楚情致綢繆端履案先生佳作甚多實不止此一律也安生蓋與之同病相憐耳

金登園

廷棟

本吾邑東鄉塘上莊人屢困童子試貧

不能自存漂泊杭州有薦入滿營教讀者將軍某公

見而愛之遂令僦屋以居言於學使得入仁和縣學  
稍能自給遂潛心經學博通羣籍阮相國師督學吾  
浙深加器賞後爲巡撫會同學使劉文恭公以優行  
貢入成均復招入詁經精舍讀書相國去浙後又無  
所依兼兩目失明遂老病而歿士林惜焉○石經穀  
梁傳考唐石經穀梁傳四萬二千八十九字顧亭林  
金石文字記謂誤者十有九字與今文不同而兩通  
者三字細思之有不全爲誤者聊爲識之并於顧所  
未及者備論之如隱九年所俠也俠石經作挾案俠  
卽挾字前漢叔孫通傳殿下郎中俠陞季布傳任俠



有名顏師古注俠之言挾以權力俠輔人也則俠挾不異也桓九年則是故命也故石經作放案御覽引麋信注云放違也言世子違命而止是當不義則爭之似於曹伯失正義相融洽則故命宜作放命也莊十有七年桓公常有存亡繼絕之功桓下石經脫公字案穀梁傳每有此句法僖九年桓盟不日亦第稱桓字二十有二年春秋三十有四戰三十下石經脫有字案春秋隱十有一年經千寶函義十盈則更始以奇從盈數故言有也經書十有一年則是紀年必言有紀事可不必言有文不同而兩通也二十有八

年經晉侯齊師宋師秦師及楚人戰于城濮齊師石  
經作齊侯案石經齊師多作齊侯如成二年左氏傳  
及齊師戰于新築齊師亦作齊侯文六年處父主竟  
上事事上石經有之字案之爲有所之之辭傳以事  
爲辭文簡也石經以之事爲辭語長也成五年帥羣  
臣而哭之帥石經作率案帥率古今字經傳每互用  
十有三年經夏五月公自京師遂會晉侯宋公衛侯  
鄭伯曹伯邾人滕人伐秦晉侯下石經有齊侯二字  
案何焯校宋建安余氏萬卷堂本亦有齊侯二字則  
石經或不誤襄元年經晉侯使荀罃來聘罃石經作

嬰案嬰與罍通穆天子傳黃金之嬰之屬罍作嬰罍  
廣雅云甌也營說文云甌也營又與罍通故傳作營  
石經作嬰六年立異姓以蒞祭祀立字上石經有非  
字案何煌校宋建安余氏萬卷堂本亦有非字則石  
經或不誤昭四年爲齊封也封石經作討案慶封不  
臣於齊靈王戮慶封若爲齊討也故石經以爲齊討  
爲辭定四年後而再會後字石經作一事字案此盟  
皋鼫之傳也前有召陵之會一則侵楚一則畏楚故  
石經作一事而再會十有二年非國言圍言字上石  
經有不字案據傳文似有不字蓋以不言爲轉辭下

乃接圍成爲大公也故石經以不言爲辭哀元年此該之變而道之也該字下石經有郊字案此驪鼠食郊牛角改卜牛之傳也爲郊之變似當作郊之變而道之據下文該郊之變而道之句義則該字下似當有郊字子不忘三月卜郊忘石經作志案志古文識字志意之志與記識之志同論語多見而識之白虎通引作志賢者識其大者蔡邕石經作志左氏傳以志吾過且曰志之歲聘以志業皆古文識字弟子問穀梁子之辭若言子何不忘三月卜郊也似志字義長六年入者內弗受也弗石經作不案弗者不之深

者也弗不義通故傳作弗受石經作不受此皆石經之可與傳文參互觀也○魯詩三歲宦女解石經魯詩三歲宦女毛詩作貫訓貫爲事蓋本爾雅義案宦臣也宦爲臣僕見國語入宦于吳韋昭注訓宦爲臣隸言三歲爲臣莫我肯顧而將去矣三歲宦女同春秋左氏傳宦三年矣文法比事字義深彼婁壽碑謂宦卽貫字不足據以解此○齊樂施晉樂施解左氏傳昭公十年齊樂施來奔公羊傳昭公十年晉樂施來奔施字子旗齊惠公後非晉樂氏公羊異矣案晉卽齊字晉齊一也考晉卦之晉孟氏易作齊說文晉

從日聲今人以晉易之非也蓋齊可爲晉晉不可  
爲晉蔡邕石經改晉爲晉而齊晉字不通矣然則古  
齊字則爲晉非古晉字讀爲齊也公羊不異

予舊藏達摩小幅金環穿耳身著紅袈裟跣足踏水  
上水著衣處似有濕痕予素不佞佛因題偈於幀首  
而施諸僧寺已二十年矣今不知尚存否偈云何苦  
走到塵寰生出許多煩惱不如色相盡空方覺頭頭  
是道彼言我佛如來教你回頭要早令我到汝東方  
勸汝等富貴功名一切俱埽金有時而爍木有時而  
槁何不到西天極樂世界無知亦無覺不少亦不老

我答儒家言惟善以爲寶讀書敬君親力田謹旱潦  
令名貽父母彝訓聽祖考若如汝佛言豈非三綱廢  
滅五倫顛倒你且歸兮勿擾我懷抱你有梵經勿煩  
我搜討我若生兮旦夕餐秬稻我若死兮魂魄游三  
島彼聞吾言遵海而逃翻令我心怒焉如擣

庚子立冬漏下三鼓大雨如注宵寐匪禎披衣起  
坐復顛倒其韻作爲一偈然太涉游戲矣附錄於  
後若有識者刪之可也偈云菜苦要金湘椒辛要  
白擣有山必有泉有海必有島寒必衣布帛饑必  
食粱稻有善必旌有惡必討汝言我佛慈悲一切

痼瘵在抱旣非三令五申必至七顛八倒譬有車  
馬弗馳弗驅譬有鐘鼓勿鼓勿考以比我儒家言  
若河海之於行潦食色天性也不空五蘊孝弟至  
樂也不證三寶汝且歸兮爲語汝長老云我聞如  
是彼不能如灰之死木之槁世緣不可絕塵網不  
可埽時常說喫要喫得飽睡要睡得早呀唔咕嚕  
但云願偕一世而游之大道想佛聞是言拈花微  
笑立時解脫煩惱

水經河水篇酈注南河又東右會阿耨達大水先南  
陔師曰阿耨耨者華言無也西山經曰昆侖之邱河水



出焉而南流東注於無達無達卽阿耨達矣

端履因

悟爾雅釋木無姑山榆無姑墨韻榆卽無姑之合音

也長言之曰無姑短言之則曰姑又悟方言螻蛄謂

之螻蛄

古音十一尤之字皆讀如七虞

螻蛄卽無姑也施之於木曰

無姑施之於蟲曰螻蛄若急言之則螻蛄亦可口蛄

孟子蠅蚋姑嘬之姑與蠅蚋爲一類卽螻蛄矣姑蓋

蛄之借字螻蛄亦曰螻蛄卽蛄之轉聲方言曰螻

蛄月令曰螻蛄字不同而聲之轉則一也禮記釋文

引蔡云螻蛄蛄蛄蛙也不知螻蛄與下蚯蚓對文豈

亦可分蚯蚓爲二物乎